

Ծ Ր Ա Գ Ի Ր

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀՈՂՕԳՏԱԳՈՐԾՈՂՆԵՐԻՆ 2013 ԹՎԱԿԱՆԻ
ԱՇՆԱՆ ԳՅՈՒՂԱՏՆՏԵՍԱԿԱՆ ԱՇԽԱՏԱՆՔՆԵՐԻ ՀԱՄԱՐ ՄԱՏՉԵԼԻ ԳՆԵՐՈՎ
ԱԶՈՏԱԿԱՆ ՊԱՐԱՐՏԱՆՅՈՒԹԻ ՁԵՌՔԲԵՐՄԱՆ ՆՊԱՏԱԿՈՎ ՊԵՏԱԿԱՆ
ԱԶԱԿՑՈՒԹՅԱՆ

1. Հայաստանի Հանրապետության հողօգտագործողներին մատչելի գնով ազոտական պարարտանյութի ձեռքբերման նպատակով պետական աջակցության ծրագրի (այսուհետ՝ ծրագիր) նպատակը Հայաստանի Հանրապետության մարզերի հողօգտագործողներին մատչելի գնով ազոտական պարարտանյութի ձեռքբերման հարցում աջակցելը, հողերի արդյունավետ օգտագործմանը, գյուղատնտեսական մթերքների արտադրության ծավալների ավելացման միջոցով գյուղացիական տնտեսությունների եկամուտների բարձրացմանը նպաստելն է:

2. Հայաստանի Հանրապետության գյուղատնտեսության նախարարությունը՝

1) պայմանագրային հիմունքներով որպես սուբսիդիա «Բերրիություն» ԱՄ-ի Մասիսի շրջանային միավորում» սահմանափակ պատասխանատվությամբ ընկերությանն է (այսուհետ՝ մատակարար) հատկացնում 283581440,0 դրամ՝ 7308,8 տոննա 2-85 ԳՈՍ-ի պահանջներին համապատասխան ազոտական պարարտանյութ «Ամոնիակային սելիտրա» (այսուհետ՝ պարարտանյութ) ձեռք բերելու և Հայաստանի Հանրապետության կառավարության 2013 թվականի հունվարի 24-ի N 82-Ն որոշմամբ հաստատված Հայաստանի Հանրապետության հողօգտագործողներին 2013 թվականի գարնան գյուղատնտեսական աշխատանքների համար մատչելի գներով ազոտական պարարտանյութի ձեռքբերման

նպատակով պետական աջակցության ծրագրի շրջանակներում չբաշխված 855,2 տոննա ազոտական պարարտանյութի հետ միասին, ընդամենը 8164 տոննա, Հայաստանի Հանրապետության մարզերի համայնքների հողօգտագործողներին և Լեռնային Ղարաբաղի Հանրապետությանը 50 կգ քաշով, 1 պարկը 6000 դրամ արժեքով վաճառելու համար.

2) պայմանագրային հիմունքներով որպես դրամաշնորհ մատակարարին է հատկացնում 46045440,0 դրամ՝ ներմուծված պարարտանյութի բեռնման և համայնքներ բեռնափոխադրման աշխատանքները կազմակերպելու նպատակով.

3) Հայաստանի Հանրապետության մարզպետների կողմից հաստատված N 1 ձևերը Հայաստանի Հանրապետության գյուղատնտեսության նախարարություն ներկայացնելուց հետո նախարարությունն այն 1-օրյա ժամկետում էլեկտրոնային փոստով ներկայացնում է մատակարարին.

4) մատակարար կազմակերպությունից էլեկտրոնային փոստով տեղեկատվություն է ստանում ըստ մարզերի հավաքագրված գումարների և իրացված պարարտանյութի քանակների մասին.

5) ծրագրի իրականացման ընթացքի մասին, ըստ անհրաժեշտության, տեղեկատվություն է ներկայացնում Հայաստանի Հանրապետության կառավարության աշխատակազմ.

6) ծրագրի ավարտից և մատակարար կազմակերպության կողմից հաշվետվությունները ներկայացվելուց հետո 1 ամսվա ընթացքում ամփոփ հաշվետվություն է ներկայացնում Հայաստանի Հանրապետության կառավարության աշխատակազմ:

3. Հայաստանի Հանրապետության մարզերում պարարտանյութի վաճառքն իրականացվում է՝ համաձայն աղյուսակի:

4. Հայաստանի Հանրապետության մարզպետները՝

1) հիմք ընդունելով համայնքներում 2012 թվականի աշնանը փաստացի կատարված հացահատիկային մշակաբույսերի ցանքերը՝ հաստատում, անհրաժեշտության դեպքում

փոխում են 2013 թվականի աշնանացանի համար մարզին հատկացված ազոտական պարարտանյութի բաշխացուցակը՝ համաձայն N 1 ձևի, և ծրագրի հաստատվելուց հետո 10-օրյա ժամկետում ներկայացնում Հայաստանի Հանրապետության գյուղատնտեսության նախարարություն, որոնք Հայաստանի Հանրապետության գյուղատնտեսության նախարարության կողմից էլեկտրոնային փոստով ներկայացվում են մատակարարին.

2) Հայաստանի Հանրապետության մարզերին հատկացվող պարարտանյութի քանակությունները՝ համաձայն աղյուսակի, Հայաստանի Հանրապետության մարզերում ամբողջությամբ չվաճառվելու դեպքում տեղեկատվություն են ներկայացնում Հայաստանի Հանրապետության գյուղատնտեսության նախարարություն՝ չիրացված պարարտանյութի խմբաքանակի վերաբերյալ վերաբաշխում կատարելու համար.

3) պարարտանյութի հատկացումը հողօգտագործողներին իրականացնում են ելնելով վերջիններիս կողմից փաստացի մշակվող հողատարածքի չափից՝ 1 հեկտարի համար մինչև 300 կիլոգրամ նորմայով, առավելագույն քանակը սահմանելով 1 տոննա՝ իրականացնելով հսկողություն բաշխման գործընթացի նկատմամբ.

4) համայնքների ղեկավարների միջոցով ապահովում են պարարտանյութ գնել ցանկացող հողօգտագործողներից ծրագրով նախատեսված գնով գումարների հավաքագրումը և ցուցակների կազմումը, որոնցում լրացվում են հողօգտագործողի անունը, ազգանունը, հայրանունը, անձնագրի տվյալները, մշակվող հողատարածքի չափը, ձեռք բերված ազոտական պարարտանյութի քանակը, վճարված գումարը, հողօգտագործողի ստորագրությունը և վճարման ամսաթիվը՝ համաձայն N 4 ձևի.

5) հավաքագրված գումարները փոխանցում են մատակարարի բանկային հաշվեհամարին՝ համաձայն Հայաստանի Հանրապետության համապատասխան մարզպետի և մատակարարի միջև կնքված պայմանագրի.

6) համայնքների ղեկավարների միջոցով ապահովում են ծրագրի շրջանակներում համայնքներում ազոտական պարարտանյութ գնած շահառուների ցուցակների հավաքագրումը՝ համաձայն N 2 ձևի, այդ ցուցակների պահպանությունը՝ տեղեկատվությանը տիրապետելու, ուսումնասիրություն կատարելու և հսկողություն իրականացնելու համար.

7) ապահովում են ծրագրի շրջանակներում մարզի համայնքների համար նախատեսված, փաստացի վաճառված ազոտական պարարտանյութի քանակի և շահառուների մասին տեղեկատվության հավաքագրումը, հաստատումը՝ համաձայն N 3 ձևի՝ մեկական օրինակ տրամադրելով Հայաստանի Հանրապետության գյուղատնտեսության նախարարություն և մատակարարին:

5. Մատակարարը պարտավոր է՝

1) ծրագրի շրջանակներում Հայաստանի Հանրապետություն ներկրել 2-85 ԳՈՍՏ-ի պահանջներին համապատասխան 7308,8 տոննա ազոտական պարարտանյութ «Ամոնիակային սելիտրա» և Հայաստանի Հանրապետության կառավարության 2013 թվականի հունվարի 24-ի N 82-Ն որոշմամբ հաստատված Հայաստանի Հանրապետության հողօգտագործողներին 2013 թվականի գարնան գյուղատնտեսական աշխատանքների համար մատչելի գներով ազոտական պարարտանյութի ձեռքբերման նպատակով պետական աջակցության ծրագրի շրջանակներում չբաշխված 855,2 տոննա ազոտական պարարտանյութի հետ միասին, ընդամենը 8164 տոննա, սույն ծրագրով սահմանված գնով վաճառել Հայաստանի Հանրապետության մարզերի համայնքների հողօգտագործողներին և Լեռնային Ղարաբաղի Հանրապետությանը.

2) Հայաստանի Հանրապետություն ներմուծված պարարտանյութի որակը հավաստելու համար Հայաստանի Հանրապետության գյուղատնտեսության նախարարություն ներկայացնել դրա լաբորատոր փորձաքննության արդյունքները.

3) պարարտանյութի վաճառքն իրականացնել համայնքների ղեկավարների միջոցով համաձայն մարզպետների կողմից հաստատված N 1 ձևերի և պարարտանյութի համար վճարում կատարած հողօգտագործողների ցուցակների (N 4 ձև).

4) պարարտանյութի վաճառքն իրականացնել 1 կիլոգրամը 120 դրամ արժեքով (50 կգ քաշով՝ 1 պարկը 6000 դրամ).

5) էլեկտրոնային փոստով Հայաստանի Հանրապետության գյուղատնտեսության նախարարություն ներկայացնել տեղեկատվություն՝ ըստ մարզերի հավաքագրված գումարների և իրացված պարարտանյութի քանակների մասին.

6) մարզպետների կողմից հաստատված ցանկով պարարտանյութը համայնքներում ամբողջությամբ չվաճառվելու դեպքում տեղեկացնել համապատասխան մարզպետարանին չիրացված խմբաքանակի մասին՝ համաձայն N 1 ձևի, վերաբաշխում կատարելու նպատակով.

7) ստուգել և անճշտություններ չհայտնաբերելու դեպքում հաստատել Հայաստանի Հանրապետության մարզպետարանների կողմից լրացված N 3 ձևերը և պատճենը ներկայացնել Հայաստանի Հանրապետության գյուղատնտեսության նախարարություն.

8) ներկայացված N 3 ձևերում անճշտություններ հայտնաբերելու դեպքում տեղեկատվություն ներկայացնել համապատասխան մարզպետարան՝ ճշտումներ կատարելու համար.

9) Հայաստանի Հանրապետության մարզերին հատկացված և Հայաստանի Հանրապետության մարզպետների կողմից՝ ըստ համայնքների հաստատված ազոտական պարարտանյութն ամբողջությամբ չվաճառվելու դեպքում չիրացված պարարտանյութի քանակի համար տրամադրված սուբսիդիան և այդ խմբաքանակի բեռնման ու համայնքներ բեռնափոխադրման աշխատանքները կազմակերպելու համար տրամադրված դրամաշնորհը վերադարձնել Հայաստանի Հանրապետության պետական բյուջե՝ ծրագրի

կատարման մասին հաշվետվությունները Հայաստանի Հանրապետության գյուղատնտեսության նախարարություն ներկայացնելուց հետո 5 աշխատանքային օրվա ընթացքում.

10) Հայաստանի Հանրապետության կառավարության աշխատակազմ ներկայացնելու համար Հայաստանի Հանրապետության մարզերում և Լեռնային Ղարաբաղի Հանրապետությանը 8164.0 տոննա պարարտանյութի վաճառքը մինչև 2013 թվականի հոկտեմբերի 30-ը ավարտելուց հետո մեկամսյա ժամկետում Հայաստանի Հանրապետության գյուղատնտեսության նախարարություն ներկայացնել՝

ա. հաշվետվություն ծրագրի կատարման մասին,

բ. ֆինանսական հաշվետվություն:

6. Հայաստանի Հանրապետության գյուղատնտեսության նախարարությունը և Հայաստանի Հանրապետության համապատասխան մարզպետարանները՝ յուրաքանչյուրն իր լիազորությունների շրջանակներում, վերահսկողություն են իրականացնում ծրագրի կատարման նկատմամբ:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄԱՐԶԵՐԻՆ 2013 ԹՎԱԿԱՆԻ ԱՇՆԱՆ
ԳՅՈՒՂԱՏՆՏԵՍԱԿԱՆ ԱՇԽԱՏԱՆՔՆԵՐԻ ՀԱՄԱՐ ՀԱՏԿԱՑՎՈՂ
ՊԱՐԱՐՏԱՆՅՈՒԹԻ ՔԱՆԱԿՈՒԹՅՈՒՆԸ

NN ը/կ	Մարզի անվանումը	Ազոտական պարարտանյութի՝ աշնան ցյուղատնտեսական աշխատանքների համար հատկացված քանակը (տոննա)
1.	Արագածոտն	400
2.	Արարատ	507
3.	Արմավիր	500
4.	Գեղարքունիք	1085
5.	Լոռի	1000
6.	Կոտայք	485
7.	Շիրակ	2600
8.	Սյունիք	400
9.	Վայոց ձոր	157
10.	Տավուշ	30
11.	ԼՂՀ	1000
Ընդամենը		8164

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ-ՆԱԽԱՐԱՐ

Վ. ԳԱՐԻԵԼՅԱՆ

Հաստատում եմ
 ՀՀ _____ մարզպետ

_____ 20 թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ _____ ՄԱՐԶԻՆ
 ՀԱՏԿԱՑՎԱԾ ԱԶՈՏԱԿԱՆ ՊԱՐԱՐՏԱՆՅՈՒԹԻ ՔԱՆԱԿԸ՝
 ԸՍՏ ՀԱՄԱՅՆՔՆԵՐԻ

NN ը/կ	Համայնքը	Հատկացված ազոտական պարարտանյութի քանակը (տոննա)	Հատկացված ազոտական պարարտանյութի դիմաց հավաքագրման ենթակազումարը (դրամ)
Ընդամենը			

Գյուղատնտեսության և
 բնապահպանության վարչության պետ

 (անունը, ազգանունը, ստորագրությունը)

Ց Ա Ն Կ

ՀՀ _____ ՄԱՐԶԻ _____ ՀԱՄԱՅՆՔՈՒՄ ՀՀ
 ՀՈՂՕԳՏԱԳՈՐԾՈՂՆԵՐԻՆ ՄԱՏՉԵԼԻ ԳՆԵՐՈՎ ԱԶՈՏԱԿԱՆ ՊԱՐԱՐՏԱՆՅՈՒԹԻ
 ԶԵՌՔԲԵՐՄԱՆ ՆՊԱՏԱԿՈՎ ՊԵՏԱԿԱՆ ԱԶԱԿՑՈՒԹՅԱՆ ԾՐԱԳՐԻ
 ՇՐՋԱՆԱԿՆԵՐՈՒՄ ՊԱՐԱՐՏԱՆՅՈՒԹ ԳՆԱԾ ՇԱՀԱՌՈՒՆԵՐԻ

NN ը/կ	Ազգանունը, անունը, հայրանունը	Անձնագրի տվյալները	Գնված պարարտանյութի քանակը	Ստորագրությունը
Ընդամենը				

Համայնքի ղեկավար _____

(Կ.Տ.) (անունը, ազգանունը) (ստորագրությունը)

Տ Ե Ղ Ե Կ Ա Ն Ք

ՀՀ ՀՈՂՕԳՏԱԳՈՐԾՈՂՆԵՐԻՆ ՄԱՏՉԵԼԻ ԳՆԵՐՈՎ ԱԶՈՏԱԿԱՆ ՊԱՐԱՐՏԱՆՅՈՒԹԻ ՁԵՌՔԲԵՐՄԱՆ ՆՊԱՏԱԿՈՎ ՊԵՏԱԿԱՆ ԱԶԱԿՑՈՒԹՅԱՆ ԾՐԱԳՐԻ ՇՐՋԱՆԱԿՆԵՐՈՒՄ ՀՀ _____ ՄԱՐԶԻ ՀԱՄԱՅՆՔՆԵՐԻ ՀԱՄԱՐ ՆԱԽԱՏԵՍՎԱԾ, ՓԱՍՏԱՑԻ ՎԱՃԱՌՎԱԾ ԱԶՈՏԱԿԱՆ ՊԱՐԱՐՏԱՆՅՈՒԹԻ ՔԱՆԱԿՈՒԹՅԱՆ ԵՎ ՇԱՀԱՌՈՒՆԵՐԻ ՄԱՍԻՆ

NN ը/կ	Համայնքը	Համայնքի ղեկավարի ազգանունը, անունը	Համայնքի համար նախատեսված քանակությունը	Համայնքում փաստացի վաճառված քանակությունը	Պարարտանյութ գնած շահառուների թիվը	Համայնքի ղեկավարի ստորագրությունը
Ընդամենը						

Մատակարար կազմակերպության անվանումը

(Կ.Տ.) (ստորագրությունը)

Ց Ա Ն Կ

ՀՀ ՀՈՂՕԳՏԱԳՈՐԾՈՂՆԵՐԻՆ ՄԱՏՉԵԼԻ ԳՆԵՐՈՎ ԱԶՈՏԱԿԱՆ ՊԱՐԱՐՏԱՆՅՈՒԹԻ ՁԵՌՔԲԵՐՄԱՆ ՆՊԱՏԱԿՈՎ ՊԵՏԱԿԱՆ ԱԶԱԿՑՈՒԹՅԱՆ ԾՐԱԳՐԻ ՇՐՋԱՆԱԿՆԵՐՈՒՄ ՀՀ _____ ՄԱՐԶԻ _____ ՀԱՄԱՅՆՔՈՒՄ ԱԶՈՏԱԿԱՆ ՊԱՐԱՐՏԱՆՅՈՒԹԻ ԴԻՄԱՑ ՎՃԱՐՈՒՄ ԿԱՏԱՐԱԾ ՀՈՂՕԳՏԱԳՈՐԾՈՂՆԵՐԻ

NN ը/կ	Հողօգտագործողի անունը, ազգանունը, հայրանունը	Հողօգտագործողի անձնագրի տվյալները	Մշակվող հողատարածքի չափը (հա)	Ագրոտական պարարտա- կյութի քանակությունը (կգ)	Ագրոտական պարարտանյութի դիմաց վճարված գումարը (դրամ)	Վճարման ամիսը, ամսաթիվը	Հողօգտա- գործողի ստորագրու- թյունը

Համայնքի ղեկավարի ստորագրությունը

_____ (Կ.Տ.) (ստորագրությունը)

Հավելված N 2
 ՀՀ կառավարության 2013 թվականի
 օգոստոսի 22-ի N 906 - Ն որոշման

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ 2013 ԹՎԱԿԱՆԻ ՊԵՏԱԿԱՆ ԲՅՈՒՋԵԻ ՄԱՍԻՆ»
 ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔԻ N 4 ՀԱՎԵԼՎԱԾԻ N 1 ԱՂՅՈՒՍԱԿՈՒՄ ԵՎ
 ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2012 ԹՎԱԿԱՆԻ ԴԵԿՏԵՄ-
 ԲԵՐԻ 20-Ի N 1616-Ն ՈՐՈՇՄԱՆ N 1 ՀԱՎԵԼՎԱԾԻ N 1 ԱՂՅՈՒՍԱԿՈՒՄ ԿԱՏԱՐՎՈՂ
 ՓՈՓՈԽՈՒԹՅՈՒՆՆԵՐԸ

(հազ. դրամ)

Պետական բյուջեի դեֆիցիտի ֆինանսավորման աղբյուրներն ու դրանց տարրերի անվանումները	Ցուցանիշների փոփոխությունը (մուտքերի ավելացումը և ելքերի նվազումը նշված են դրական նշանով, իսկ մուտքերի նվազումը և ելքերի ավելացումը՝ փակագծերում)	
	ինն ամիս	տարի
ԸՆԴԱՄԵՆԸ	-	-
այդ թվում՝		
Ա.Ներքին աղբյուրներ-ընդամենը	-	-
այդ թվում՝		
2. Ֆինանսական զուտ ակտիվներ	-	-
այդ թվում՝		
2.4. Վարկերի և փոխառությունների տրամադրում	(877,056,000.0)	(877,056,000.0)
«Բերրիություն» ԱՄ-ի Մասիսի շրջանային միավորում» ՍՊԸ	(877,056,000.0)	(877,056,000.0)
ՀՀ ֆինանսների նախարարություն	(877,056,000.0)	(877,056,000.0)
2.5. Տրամադրված վարկերի և փոխառությունների վերադարձից մուտքեր	-	877,056,000.0
որից՝		
«Բերրիություն» ԱՄ-ի Մասիսի շրջանային միավորում» ՍՊԸ		877,056,000.0
2.6. Այլ	877,056,000.0	
Ժամանակավորապես ազատ միջոցներ	877,056,000.0	

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
 ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
 ՂԵԿԱՎԱՐ-ՆԱԽԱՐԱՐ

Վ. ԳԱԲՐԻԵԼՅԱՆ